

النص المسرحى :

الحالة زيرو

(ساىكو دراما)

تأليف / أحمد سمير

- مقدمة -

أيها السادة ، سادة الناس و أسيادهم ، أيها الطيبون البسطاء ، الي جميع فئات هذا المجتمع ، الي كل من ظن بأنه ينول من السواء شيئاً ، أوجه رسالتي الي كل فرد منكم ، مرحباً بك ، تمت العملية بنجاح ، انت الآن .. مريض !

هذا نحن ، و هذه حقيقتنا، تلك هي المرآة الغائبة عن أنظارنا جميعاً ، تلك هي صورتنا الحقيقية التي تم تزييفها مرات و مرات ، الي متي سنظل مختبئين تحت ظلال السواء المزيف ! ألم يحن الوقت يا عزيزي كي توقن تمام اليقين بأن جميعنا مرضى ؟ نعم ، جميعنا مرضى .. نحن من نخلق الأمراض لأنفسنا و للآخرين ، فالفرق طفيف بيننا و بين أولئك الغزل القابعين خلف أسوار المصحات ، فقط نحن في منازلنا .. و هم في عنابرهم .

- نبذة مختصرة عن أهم الشخصيات -

مستشفى للأسف للأمراض النفسية و العقلية ، نعم هذا هو اسم المستشفى .. (للأسف) ، اسم علي مسمي ، فهي عبارة عن مكان شبه مهجور تغطيه خيوط العناكب و تفوح منها كل ما لا يطيقه البشر من روائح كريهة ، أسوارها مهجورة و حوائطها ملينة بالكتابات التي تعبر عن المكبوتات الدفينة داخل المرضى .

الشخصيات الرئيسية :

- مريضة بارانويا العظمة و التي يملكها الغرور و تنغمس في هذاعات عظمتها و أنها تمتلك العالم بأسره بجمالها و بمالها و بقوتها و التي لا يضاهاها أحد في ذلك
- مريضة الهلاوس و التي تعيش مع أصدقائها الخياليين التي تراهم دوناً عن أي أحد و تسمع أصواتهم بل و أحياناً تحادثهم
- مريضة التأخر العقلي صاحبة الجسد الكبير و الصوت الطفولي و السلوك البرئ الذي لا يتعدى سلوك طفل ف الخامسة من عمره
- مريضة التخلف العقلي و التي تعاني من عدم قدرتها علي فهم ما يدور حولها بسهولة و أحياناً عدم قدرتها علي فهم ما يدور حولها أصلاً
- مريضة التوهم المرضي و التي دائماً ما تشتكي من آلامها و أوجاعها و أمراضها و التي ليست لها أي أساس عضوي نهائياً
- مريضة الوسواس القهري و التي تشعر دائماً بالذنب و كأنها إرتكبت جميع جرائم الدنيا
- مريض الفوبيا صاحب الهلع و الفزع الشديد من الحشرات و خاصة (الصراصير)
- مريض القلق المرضي و الذي دائماً ما تتملك منه حالة القلق و التوتر بسبب و بدون سبب

- مريض الهوس و الذي يعاني من أعراض الضحك الهستيري و فرط الحركة و زيادة في النشاط
- و أخيراً مريض الإكتئاب و هو ذلك النزيل الجديد بالنسبة لباقي المرضى صاحب النظرة
التشاؤمية السوداوية و المشاعر الحزينة المفرطة

لم تقتصر شخصيات حكايتنا علي المرضى فقط و لكنها إنتقلت أيضاً الي العاملين بهذا المكان
الأشبه بالمقبرة ..
- (فرج) التمرجية ، نعم إنها فتاة أمية تدعى (فرج) تعمل تمرجية في المستشفى ، تنفذ ما يُملئ
عليها من أوامر فقط
- سعاد السكرتيرة و التي تعتبر إحدى أذرع الفساد في تلك المستشفى و في نفس الوقت تقع ضحية
لمن حولها
- ملك إبنة سعاد السكرتيرة ، طفلة صغيرة تعاني من المرض الخبيث (السرطان) و دائماً ما
تنتظر أن تعالجها أمها بعد أن تمتلك قدر كافي من المال
- مديرة المستشفى و التي نصبت نفسها طبيبة نفسية بحكم أقدميتها في هذا المكان ، الإنتهازية و
الإستغلال جزء من حياتها و اللعب بحياة نزلانها من المرضى هو أساس عملها
- الأخصائي النفسي الجديد و الذي تم تعيينه مؤخراً في تلك المستشفى كي يأتي إليها مكتشفاً كل
تلك المساوئ محاولاً إصلاحها

و أيضاً بعض الشخصيات الثانوية مثل :

- مساعدة الأخصائي و هي فتاة لا تعلم أي شئ عن المهنة و لكن الأخصائي إصطحبها كي تبدأ
باكتساب الخبرة المهنية
- زوج سعاد السكرتيرة و هو رجل بخيل شحيح لا يبالي بزوجته ولا إبنته المريضة و غير مهتم
بما يمرضون به من صعوبات و متاعب

المشهد الأول (السقوط في الجحر)

تُفتح الستار و يتسلل المرضى من وسط الجمهور حتي يصعدوا الي خشبة المسرح تحت إضاءة
خافتة بعض الشئ و في حالة من الغموض و كأن شيئاً ما غريب غير مرئي يلقي بهم الي هذا
المكان الغريب ثم يبدأ الصراع الخارجي فيما بينهم ليحاول كل منهم السيطرة علي الآخر و إخافته
و من ثم الصراع الداخلي بداخل كل واحد منهم حتي أنهم لا يقوون علي تحمله فيسقطون جميعهم
أرضاً مغشياً عليهم .

و من ثم صوت خارجي يطرح عدة اسئلة تدور في أذهانهم جميعاً في آن واحد :

احنا مين ؟ و ايه اللي وصلنا لكده !؟

احنا مسيرين ، ولا مخيرين !!

احنا خاضعين للدنيا ، ولا بإيدينا نغيرها ؟؟
طب الحياة وحشه ولا احنا اللي وحشين !?
معقول نكون كلنا منستحقش نعيش !!
احنا اتخلقتا علشان نموت بس ؟!
وهو الموت عقاب ولا ثواب ؟!
طب طالما هنموت ، عايشين ليه ؟!
ايه التفكير ده ، هو احناااا .. مرضي نفسيين !!!

يبدأ الممثلون في الوقوف واحداً تلو الآخر و يبدأ كل منهم في التعبير عما بداخله وهم في حالة من الإنهاك و الضعف و شئ من الإستسلام :

مريض الإكتئاب : و زي مانتو شايفين ، الحياة بقت سودة جدا

مريضة التأخر العقلي : الناس كلها بقت وحشة ولونهم اسود

مريضة التوهم المرضي : حتي الكويس فيهم ، مسلمش من السواد

مريض الفوبيا : بخاف من اللون الاسود أوي ، بكرهه

مريضة بارانويا العظمة : اللون الإسود لايق عليا ، زي ما كل حاجه بتليق عليا

مريض القلق المرضي : بقيت بشوف المستقبل كله إسود في إسود ، مش الحياة بس

مريضة الهلاوس : مين السبب في إن الحياة بقت سودة بالشكل ده ؟!

مريضة التخلف العقلي : اكيد واحد من مستشفى تانية ...

مريضة الوسواس القهري : لا .. انا السبب ، انا اللي خليت الحياة سودة

مريض الهوس : الله !! طالما الحياة سودة كدا ، أمال انا انا بضحك ليه ؟!!

مريضة الهلاوس : انا بسمع وبشوف حاجات كتير محدش يعرفها

مريض الإكتئاب : محدش هيعرف ولا هيحس باللي جوايا غيري انا

مريضة بارانويا العظمة : أنا اتخلقت علشان أبقى أحسن من أي حد

مريضة التوهم المرضي : أي حد بيشوفني بصعب عليه من كتر الأمراض اللي عندي

مريض القلق المرضي : عندي توتر بشع و دايماً بتوقع المصايب

مريض الفوبيا : والمصيبة إنني بخاف من حاجات كتيرة مش بتخوف

مريضة التأخر العقلي : بخاف من ناس كتير

مريضة الوسواس القهري : كتير بحس إن أنا السبب

مريض الهوس : السبب في الضحك الكثير ده مش معروف ، بس لسة بضحك

مريضة التخلف العقلي : بيضحكوا عليا و شايفيني غبية

مريضة الوسواس القهري : أنا السبب

مريضة بارانويا العظمة : أنا و بس

مريضة التوهم المرضي : أنا مريضة

مريضة الهلاوس : أنا مجنونة

مريضة التأخر العقلي : أنا لسه صغيرة

مريض القلق المرضي : أنا مش مطمئن

مريض الفوبيا : أنا خايف

مريضة التخلف العقلي : و أنا مش فاهمه

مريض الإكتئاب : أنا مكتتب

مريض الهوس : وانا شبه المسطول

و يشند الإيقاع ليصل الي قمته معبراً عن ما بداخل كل منهم ليجدوا أنهم جميعاً يقعون في نفس المأزق و أن مشاكلهم واحدة :

مريض الإكتئاب : أنا مخنوق ..

((جماعة)) : من الدنيا كلها

مريضة الوسواس القهري : أنا السبب ..

((جماعة)) : في كل حاجة

مريضة الهلاوس : أنا بشوف ..

((جماعة)) : حاجات كتير

مريضة التأخر العقلي : الدنيا وحشة ..

((جماعة)) : والناس وحشين

مريض القلق المرضي : أنا تعبت ..
((جماعة)) : القلق هيموتني

مريض الفوبيا : انا خايف أوي ..
((جماعة)) : ابعدوا عني

مريضة التوهم المرضي : انا مريضة ..
((جماعة)) : نفسي ارتاح

مريض الهوس : انا بضحك كثير ..
((جماعة)) : نفسي ابطل ضحك

مريضة بارانويا العظمة : انا أكبر وأحسن ..
((جماعة)) : من أي حد

مريضة التخلف العقلي : وانا مش فاهمة ..
((جماعة)) : أي حاجه

((جماعة)) : نفسنا نفهم .

يبدأ الممثلون في الدخول الي الكواليس واحداً تلو الآخر لتظهر التمرجية علي خشبة المسرح
ترتدي الثياب المتسخة و تضع كم هائل من (المكياج) علي وجهها ، ثم تشم التمرجية رائحة
غريبة في المكان :

التمرجية : عاتعملوها فحتت غريبة .. يا عيانيين
١٠٠ مرة اجولكم الحمام متلج جوة وبرضو مفيش فايدة ، بس لازم أروج المكان وأخليه علي
سنجة عشرة .. أحسن الضاكتورة لو اجت ولاجت المنظر المعفن ديه .. عاتبهدلني
هو حل واحد بس بلجأله فالحالات ديه
(تخرج التمرجية زجاجة " بيرسول " من جيبها و تملأ المكان برائحته الكريهة ..)

تدخل السكرتيرة و بصحبتها إبنتها الصغيرة " ملك " :

السكرتيرة : سلام عليكم .. إف إف إففففف

التمرجية : و عليكم السلام يا أهلاً وسهلاً يا أهلاً وسهلاً يا ست الكل .. أنستي وشرفتي يا
أنسه سعالاد

السكرتيرة : أنسه !! أو مال اللي معايا دي جيبها منين .. من المول !

قلع هـووووومه ، لحد ما جاله برد في معدته و قرر ينتحر

مريض الإكتئاب : جمييل

مريض الفوبيا : متقولش جميل ، نصيحة مني متقولهااااش
في حاجات كتير مش جميلة هنا ، في حشرات و حيوانات كتير هنا بتخوف
حتى بص (يشير الي المرضي)

مريضة الهلاوس : بيقولك بقا ابييه ، مرة واحد نفسيته تعبانة ، عارف عملها ايه ؟!

مريض الإكتئاب : أيوووووة قوليلي الله يسترک ، عملها ايه ؟؟

مريضة الهلاوس : عملها كـمـاـa

مريض الإكتئاب : كـمـاـاـاـاـاـاـاـاـاـa

مريضة الهلاوس : كـمـاـاـاـاـاـa ، كـمـاـاـاـاـاـاـاـa

مريضة التخلف العقلي : متصدقهااااش !

كـمـاـاـاـاـa !! في حد نفسيته تعبانة هيعملها كـمـاـاـa !! انتي مجنونة !!!!!!!

ايه التخلف دا !! عالم مجانيين ، ولية مبتفهمش .. قال كـمـاـاـa قال

، هي هي

مريض الإكتئاب : شكك انتي كذا العاقلة اللي فيهم ، قوليلي بالله عليكي لو نفسيتي تعبانة أعملها

ايبييه ؟؟

مريضة التخلف العقلي : إعملها لمون سخن ، عاادي يعني !

مريض الإكتئاب : آمنت بالله ..

مريضة التوهم المرضي : انا مش نفسيتي بس اللي تعبانة ، انا كل حاجة فيا تعبانة ، كل يووووم

بـعـمـلـ عـمـلـيـة ، كل يوووووووم

استأذـنـكـ انا بقا ..

مريض الإكتئاب : رايحة فين ؟!

تمسك مريضة التوهم المرضي ببطنها و هي تقول : رايحة أعمل اللوز ، واجعاني أوي

مريضة التأخر العقلي : عمو عمو عمو ، عارف يا عمو ، ماما الله يرحمها هتيجي تشوفني

النهاردة ، و انا مستنياها ، الله يرحمك يا ماما ..

و يرجعك بالسلامة بقا

تضحكوا عليه بسهولة ، فاهمين ؟

جماعة : فاهمين

ملك : لما تيجي بقا قولولها إنكم خليتوها قائد المستشفى دي ، و مينفعش تسمع كلام الدكتورة خالص علشان هي القائد ، فاهمين ؟

جماعة : فاهمين

ملك : يعني من الآخر إشتغلوها و كلوا بعقلها حلوة علشان تقف في صفكم قصاد الدكتورة و يقفوا هما الإثنين في بعض وانتو تكسبوا ، فاهمين ؟

جماعة : فاهمين

مريضة التوهم المرضي : والله البنت دي طلعت بتفهم

مريضة الوسواس القهري : تفتكروا هنقدر ؟

مريض الهوس : بقولكم ايه .. سيبولي انا الطالعة دي

ملك : يلا ، ربنا يقدرني علي فعل الخير

مريضة الهالوس : شايفة الناس اللي بتفكر .. مش انتي

(توجه كلامها الي مريضة التخلف العقلي و هي توبخها)

مريضة بارانويا العظمة : انا شايفة اننا مهما كان مينفعش نمشي ورا العيال الصغيرة

ملك : بس ابت

مريضة بارانويا العظمة : بت !!

مريض القلق المرضي : بس اناااا ، ، اااا .. قلقان من الخطة دي

ملك : بس يلا

مريضة التأخر العقلي : إبقى تعالي كل يوم عشان أعب معاك يا ملك

ملك : هو انتي كبيرة ، ولا صغيرة ، ولا انتي ايه بالظبط !

مريضة التأخر العقلي : مش عارفة ، بس انا بحب أعب دايماً مع الأطفال اللي في سني

ملك : في سنك !!

لا لا انا همشي .. ربنا يتولاكم

الدكتورة : تالالالالالاني .. احنا كل يوم هنتكلم في الموضوع دا !
الموت دا قضاء و قدر و الموضوع خلص .. يلا شوفي شغلك و رانا شغل كثير النهاردة

(و تتركها الدكتورة ثم تخرج ذاهبة الي مكتبها لتقف السكرتيرة وحيدة مغلوبة علي أمرها لتجد
إبنتها تدخل عليها و علامات التعب بدأت في البروز علي وجهها)

ملك : متسيبينش يا ماما

السكرتيرة : ملك .. متخافيش يا حبيبتي مش هسيبك .. والله ما هسيبك ، هتعالجي يا روح قلبي و
هتبقى كويسة والله ، متعيطيش
(تحتضن السكرتيرة إبنتها و الدموع تملأ عينيها و هي تشعر بالعجز التام تجاه إبنتها الوحيدة التي
لا تستطيع فعل أي شئ لها و هي بتلك الحالة)

ملك : طب هو بابا فين يا ماما ؟

السكرتيرة : بابا ... !!

باباااا .. اه ، بابا مشغول يا حبيبتي في شغله والله انتي عارفة شغله صعب و وحش ربنا يعينه ، إن
شاء الله هيجيلك و هتشوفيه قريب متخافيش

ملك : انا بحبك أوي يا ماما ، إوعي تسيبيني

السكرتيرة : وانا كمان بموت فيكي يا قلب ماما ربنا ما يحرمني منك يارب ، متخافيش يا حبيبتي انا
عمري ما هسيبك أبداً .. أدخلني جوة يا حبيبتي إستريحي لحد ما أخلص شغل و أجيلك .. أدخلني يا
حبيبتي

ملك : حاضر يا ماما

(تدخل ملك و تكمل السكرتيرة حديثها مع نفسها و هي في قمة الإنهيار النفسي و دموعها تتساقط
و هي تناجي ربها و هي لا تجد غيره تدعوه ليكون معها و هو نعم الوكيل)

السكرتيرة : يارب .. يارب انا طول عمري لوحدي
لا أهل ، ولا أصحاب ، ولا حتى جيران ، ولا أي حاجة
جوزي سايبني بلطش في الدنيا لوحدي
و مديرتي في الشغل رافضة تساعدي
و حتي بنتي الوحيدة بتروح مني يارب
يارب انا عمري ما طمعت غير في كرمك ، ساعدني يارب
يارب انا ماليش غيرك .. و ماليش غير بنتي
متخسرنيش فيها يارب .. متخسرنيش فيها

(يدخل الأخصائي رافعاً رأسه لأعلي و يرتدي نظارة شمس و ملابسه مهندمة بدقة و بصحبته

مساعدته التي من الواضح عليها أنها لا تعرف أي شئ عن المهنة ..)

الأخصائي : احم احم ،، مساء الخير

(تمسح السكرتيرة دموعها بسرعة و تحاول تغيير ملامح وجهها كي تكمل عملها و حتي لا يلاحظ أحد ما بها و أيضاً لأن طبيعة عملها تتطلب منها أن تكون كذلك)

السكرتيرة : مساء النور كشف ولا استشارة ؟

الأخصائي : لا حضرتك ولا دا ولا دا احناا ...

السكرتيرة : أيوة أيوة ، لا يبقا حضرتك جيت غلط ، دكتور العلاقات الزوجية في الشارع اللي و رانا

الأخصائي : لا علاقات زوجية ايه انتي هتوديني في داهية !

انا جالي تعيين في المستشفى هنا و دا أول يوم ليا النهاردة

السكرتيرة : اااااه .. هيهي مستشفى ! .. أصدك تقول سجن .. مقبرة .. كهف .. انما مستشفى دي ، امممم .. مظنش

الأخصائي : مظنش .. هي مش دي مستشفى للأسف !

السكرتيرة : هي .. هي فعلاً للأسف .. اه ياسيدي هي

الأخصائي : طيب تمام ، انا الأخصائي الجديد عندكم و دي المساعدة بتاعتي

المساعدة : هااااي

السكرتيرة : و عليكم الهاي و رحمة الله ياختي

وانت بقا مين اللي بيكرهك اوي كدا عشان يجيبك عندنا

الأخصائي : الحظ بعيد عنك .. قوليلي بقا ايه النظام عندكم هنا ؟

في كام دكتور هنا و بتعاملوا الحالات إزاي و بتأكلوهم ايه و بيتعالجوا في خلال أد ايه و ...

السكرتيرة : حيلك حيلك .. بقولك مستشفى للأسف ، انت فاكر نفسك في فندق !

احنا معندناش دكاترة خالص .. هي يادوبك مديرة المستشفى و مسميينها دكتورة

الأخصائي : أفندم ! انتي بتتكلمي بجد !

السكرتيرة : أه والله ، هو انا ههزر معاك !

بالنسبة للعيانين بقا .. فدول بنعالجهم بالمهدئات و في الحالات الطارئة ، الطارئة جداً ، الطارئة

خالص ، خالص خالص يعني ، بنعالجهم بجلسات الكهربا

بالنسبة للأكل بنجبلهم اي حاجة ياكلوها أو مياكلوش مش مشكلة .. أما بقا بالنسبة ل....

الأخصائي : بس بس بس .. متكلميش
مديرة المستشفى دي لازم تتحاسب ، ايه اللي بيحصل دا !
لو حد عرف بالمهزلة دي هتبقا مصيبة !!

السكرتيرة : تتحاسب ! اهاهااي (ضحكة سخرية) .. انت فاكِر نفسك جاي تعدل المايلة !

الأخصائي : و معدلهاش ليه يعني ! انا مش هسكت علي المهزلة دي

السكرتيرة : طب بص ، انت شكلك كدا موضوعك كبير .. و انا بنتي تعبانة و لازم أروحها ، و
بصراحة كدا مش فاضياك ، انا ماشية

الأخصائي : ألف سلامة عليها ، خير إن شاء الله عندها ايه !؟

تصمت السكرتيرة للحظات ثم ترد بكسرة : كانسر .. ادعيها ، و ادعيلي

الأخصائي : ربنا يشفيهاك يارب .. اتكلي علي الله إلحقي انتي بنتك لحد ما أشوف انا المصيبة دي

السكرتيرة : استأذُك انا ، ربنا معاك بقا

(تخرج السكرتيرة و يتبقي الأخصائي الجديد بصحبة مساعدته يتفقدون جدران و أثاث المستشفى
(

الأخصائي : ايه المنظر دا ! انا مشوفتش في حياتي كدا ولا هشوف .. دي حاجة أ... .. في ايه
يابنتي !؟

(تمشي المساعدة وراء الأخصائي في كل مكان يذهب إليه ممسكة في قميصه و هي تشده بطريقة
طفولية)

المساعدة : مش هنتغل بقا ؟

الأخصائي : نشتغل ايه بس في الجو دا .. انا حاسس اني دخلت سجن فعلاً مش مستشفى خالص !

المساعدة : أيوة يعني مش هنتغل بقا !؟

الأخصائي : هنتغل هنتغل ، أصبري انتي بس و إهدي شوية

المساعدة : حاضر ...

مش هنتغل بقا ؟

الأخصائي : يادي الليلة السوداء .. يابنتي اصبري

المساعدة : طيبيب ...

مش هنتغل بقا ؟

الأخصائي : امشي روعي ، امشي .. اطلعي خديك لفة في المستشفى شوية لحد ما أخلص ، امشي امشي

المساعدة : و باعدين نرجع نشتغل ؟

الأخصائي : اه ان شاء الله امشي انتي كدا بس ، امشي الله يخليكي مش ناقصة

المساعدة : ااه صحيح نسيت أقولك علي حاجة

الأخصائي : خييير ؟

المساعدة : مش هنتغل بقا !؟

الأخصائي : امشي من هنا بدل و أقسم بالله هخليهم يحجزوكي .. امشاللي

بياللي .. لازقة ..

ايه كمية الشخبطة دي ، الحالات دي مش لاقيين اللي يتكلموا معاه .. الناس دي عندها كبت رهيب لازم يخرج

(تدخل فرج التمرجية لتجد الأخصائي يتفقد كل تفصييلة في المكان فتقترب منه ببطئ فيستشعر الأخصائي بشخص ما يقترب من خلفه ليظنها مساعدتها ..)

الأخصائي : انا مش قولتك خديك لفة في المستشفى لحد ما أخلص ايه اللي رجعت تاني ...)

يقولها و هو يلتفت بوجهها فيصاب الأخصائي بحالة من الذعر حين رأى التمرجية)

بسم الله الرحمن الرحيم !

ايه دا !!!!

اي بيت الرعب اللي دخلته دا يا ربي !

هو في ايه ؟! انتي مين ؟!

التمرجية : آني فرج التمرجي .. انت ميبين ؟

الأخصائي :

مين ؟!

التمرجية : غاللي ، آني فرج التمرجاللي .. انت ميبين ؟

الأخصائي : إحم ، أيوة يعني .. مين ؟

التمرجية : غاللي ، آني فرج التمرجاللي .. انت ميبين ؟

الأخصائي : فرج ! انت ولد ولا بنت ولا ايه ظروفك بالظبط !

الدكتورة : لانا ياخووويا انا مش دكتورا أساساً ، بس بحكم انا قديمة هنا و خبرة و فاهمة في كل حاجة بيقولولي يا دكتورا .. لكن ميغركش المنظر انا محدش يقدر يقف أصادي ، انا واحدة بميت راجل

الأخصائي : يعني مش كفاية إنك مش دكتورا ، لا و كمان فخورة أوي !
طيب ، وانا بقا عند كلمتي و مصمم ، الحالات اللي هنا من النهاردة تحت ايدي انا و انا هعرف اتعامل معاهم ازاي و هعرف أعالجهم كويس و اخبني راسك في أتخن حيط

الدكتورة : انت بتهزررررر ! تعالج مين ! المستشفى دي قايمة علي العيانيين ، لو اتعالجوا و طلوعوا منها انا بيتي هيتخرب ، يرضيك يعني إن بيتي يتخرب ؟ يرضيك تقطع عيشي برضه ؟ (تقولها بلهجة حنونة الي حد ما و فيها شئ من الخبث في محاولة للتدلل عليه)

الأخصائي : أكل عيشك انتي اللي بنيته علي حساب حياة ناس ملهمش أي ذنب ، كل ذنبهم انهم مش لاقيين اللي يحس بيهم و يفهمهم ..

الدكتورة : انت بتتحداني ، و صدقتي .. مش هتعرف تقف أدامي

الأخصائي : و انا مش خايف منك ولا من ١٠ زيك ، و اللي عندك إعملية

الدكتورة : طيب ، انا بقا هوريك .. والله ، والله لهتشوف

المشهد الرابع (تحدث كي أعرفك)

يبدأ المرضي في الدخول واحداً تلو الآخر بعد إختباينهم خوفاً من الدكتورة و أيضاً بهدف التصنت و سماع ما يدور من أحداث ، لديهم إحساس دفين بشئ من الأمل و لكن اليأس هو دائماً السمة الرئيسية لمرضى مستشفى للأسف ، الإحباط هو دائماً ما يطفو علي سطح الشعور و يغطي علي كل ما هو إيجابي لديهم ، الإستسلام هو الفعل الوحيد الذي يتقنون عمله .

مريض الإكتئاب : انا سمعت كل حاجة .. متحاولش

مريض الفوبيا : هتخاف و مش هتكمل

مريض القلق المرضي : مش هتعرف تعمل حاجة

مريضة التخلف العقلي : انت بقا سوبر مان ؟

مريضة بارانويا العظمة : انت فاكر نفسك هتقدر تخرجنا من اللي احنا فيه ؟

مريضة التوهم المرضي : احنا بقالنا سنين هنا مش عارفين الحل .. انت بقا اللي هتجيب الديو من

دليله !

مريضة الهلاوس : انت بتضحك علي نفسك ولا علي مين بالظبط !

مريضة التأخر العقلي : انت ضعيف بالنسبالهم .. صدقتي مش هتعرف

مريض الهوس : هي هي هي .. والله ضحككتني

مريض الوسواس القهري : إنفد بجلدك احسنلك

الأخصائي : خلصتوا ؟

طيب .. مبدئياً انا مكنتش حابب اني أتعرف عليكم بالطريقة دي ،

كان نفسي أتعرف عليكم بطريقة أحسن من كدا .. بس ماشي ،

ثانياً .. انتو لسة متعرفونيش عشان تقولوا اني مش هقدر

مريضة التأخر العقلي : تقدر علي ايه؟! ولا علي مين ؟

انت نقطة في بحر .. و إحنا إتعودنا نتخبط مع الموج

انت مش هتعرف تعملنا أي حاجة .. أخرك هتخبط معانا

الأخصائي : هتخبط معاكم علشان أحس ببيكم و أقدر أساعدكم !

مريض الإكتئاب : ساعد نفسك انت الأول .. انت جاي تقف قدام ناس مبترحمش

مريضة الهلاوس : إحنا في رعب و خوف بقالنا سنين لحد ما إتعودنا

مريض القلق المرضي : صدقتي متحاولش .. احناااا .. احناااا اتعودنا خلاص

الأخصائي : إتعودتوا علي ايه و ايه اللي بتقولوه دا كله ؟

واضح ان زي ما يكون معمولكم غسيل مخ .. طب نبداً واحدة واحدة ،

انتو مين ؟ و انتو ليه هنا ؟

يضحك الجميع ضحكات ساخرة من سؤاله بينما هو يراقب ردود أفعال كل واحد منهم بدقة عالية ..

مريضة بارانويا العظيمة : و لما تعرف .. هتعمل ايه يعني ؟

هى ، ولا حاجة

مريضة الوسواس القهري : مش هتعرف تعملنا أي حاجة .. ثم إن احنا اصلاً لا فاكيرين إحنا مين

ولا فاكيرين إحنا هنا ليه !

مريضة التوهم المرضي : أو يمكن فاكيرين .. بس مش قادرين نعبر عن اللي جوانا

مريض الفوبيا : أو يمكن قادرين نعبر .. بس خايفين نقول

جماعة : مش هنعرف مش هنعرف

الأخصائي : طيب .. تعالوا نعمل تجربة كدا مع بعض هتخلينا نطلع كل حاجة جوانا ، بس ياريت الأول كل واحد فيكم ياخذ مكان كويس كدا يقعد فيه لوحده و هو مستريح علي الآخر .. إهدوا خالص .. إنتفسوا كويس و بانتظام .. ريحوا جسمكم و إفردوا ضهركم .. متفكروش في أي حاجة بشكل نهائي .. متركزوش في أي حاجة حوالكم غير صوتي انا بس .. انسوا نفسكم و انسوا الدنيا باللي فيها .. قولوا من جواكم لآ مش هفكر .. أي فكرة تيجي في دماغكم تخيلوها كأنها سحابة و بتعدي .. قولوا من جواكم انا مش هفكر .. متفكروش ولا تركزوا في أي حاجة غير صوتي انا بس .. غمضوا عينيكم

يبدأ الأخصائي النفسي بتطبيق إحدي الوسائل الهامة في العلاج النفسي ألا و هي وسيلة الإستبطان أو بمعنى أصح (جلسة الإسترخاء) و هو باختصار تصفية عقول المرضى من أي أفكار بشكل نهائي و محاولة تنويمهم بالإيحاء ليبدأ في إستخراج ما بداخلهم و ما يكمن في اللاشعور لديهم لكي يطفو هذا المخزون فوق سطح الشعور معبراً عن نفسه متخلصاً من الكبت و الهروب داخل العقل الباطن .

و في تجربة غير مسبوقة يشرع الأخصائي في إدخال الجمهور المسرحي في الحالة العامة للعرض و تطبيق هذا الإسلوب عليهم جميعاً (جلسة الإسترخاء) في محاولة منه لإثبات وجهة نظره بأن جميعنا مرضى نفسيين بلا إستثناء و لكن باختلاف الدرجة ..

وانتو كمان .. ياريت تشاركونا .. هنجرب مع بعض حاجة كدا بسيطة ، بس ياريت كل واحد فيكم يرجع ضهره لورا بعد إنكم و يكون مرتاح كويس في قعدته علي الكرسي .. افردوا رجلكم و إيديكم و ريحوا نفسكم خالص .. خدوا نفس بهدوء و بانتظام من مناخيركم و طلعه من بكم .. متفكروش في أي حاجة في الدنيا .. انسوا كل حاجة .. و انسوا الناس و انسوا نفسكم .. انسوا أي حد تعرفوه .. قولوا من جواكم دلوقتي مش هفكر في اي حاجة .. أي فكرة تدخل دماغكم اطردها برة بأي طريقة .. مش شايفين أدامكم غير صورة سودة بس .. غمضوا عينيكم !

كل واحد فيكم يفتكر أكثر موقف ضايقه في حياته ، أكثر موقف بتكرهه .. إفتكره بكل تفصييلة صغيرة فيه كأنك فيه دلوقتي ، حس بكل حاجة كنت حاسسها وقت الموقف دا .. تخيل إنك في أوحش مكان ممكن تشوفه في حياتك ، تخيل المكان دا بكل تفصييلة فيه .. قلبك بيدق جامد من الخوف ، حس بالدم و هو بيجري في جسمك كله ، فجأة شوفت حد كان واحشك جداً ، تخيل هو لابس ايه و بيصلك ازاي ، كأنه موجود قدامك دلوقتي ، إسمع هو بيقولك ايه و أنت هترد بأيه ، بتأخده في حضنك و أنت بتعيط من الفرحة انك شوفته ، حس بيه و هو بين ضلوعك دلوقتي ، حس بنبضات قلبك و هي بتزيد من الفرحة ، بيبييك فجأة و بيمشي و أنت مش قادر تمشي وراه ، بتلف وراك لاقيت أوحش حد شوفته في حياتك ، الشخص دا انت بتكرهه جداً ، تخيل المشهد بكل تفصييلة فيه كأنه بيحصل دلوقتي ، حس بدموع عينيك و هي بتنزل منك .. تخيل كل حاجة بالتفصيل الممل و بالدقيقة و الثانية .. تخيل نفسك و أنت بتقوله كل اللي في قلبك ناحيته ، إفتكر أد ايه الشخص دا أذاك و دمرلك حياتك ، بيبدأ المشهد يختفي واحدة واحدة .. واحدة واحدة ، فجأة الصورة بتتحول سودة كلها تاني و مش بتفكروا في أي حاجة خالص ، مش شايفين أي حاجة خالص ... فتحو

عينيكم .

هااا .. لما قولتكم تخيلوا أكثر موقف ضايقوا في حياتكم كأنه يحصل أدامكم بالتفصيل .. شوفتوا ايه ؟

مريض الإكتئاب : شوفت أحلامي و هي بتطير مني في السما و مش عارف أوصلها ، شوفت كل حاجة و هي بتروح من بين إيديا ، حتي البنت اللي حبيبتها و شقيت سنين عمري علشان أوصلها ، و في الآخر .. رفضتني !

مريض الهوس : شوفتني وانا مرفوض من ناس كتير ، شوفتني وانا بتصدم كل شوية في واحد و الثاني ، شوفتني وانا كل شوية باخد قلم علي وشي من أقرب الناس ليا .. أخذت صدمات في حياتي بما فيه الكفاية ، و جيت أستغيث بحد يساعدي .. ملقتش حد حواليا !

مريض القلق المرضي : إفتكرت الضغوط اللي كنت فيها ، إفتكرت كمية العواقب اللي قابلتها و الأزمان اللي مررت بيها ، إفتكرت اني مكنتش بعرف أعمل أي حاجة في حياتي بسبب الناس ، دايماً كنت شايل هم الناس وانا بعمل أي حاجة ، حتي لو كانت الحاجة اللي انا بحبها !

مريضة الوسواس القهري : شوفت الظلم و الخداع و تلفيق التهم ، شوفت كل واحد و هو بيرمي التهمة علي الثاني ، أيوة ، انا معترفة اني غلظت ، انا اللي عملت كل حاجة ، مع اني عارفة اني معملتش أي حاجة .. يلا ، إسجنوني ، ولا حتي إقتلوني .. أهو تريحوني منكم ، و ترتاحوا مني انتو كمان

مريضة التأخر العقلي : انا مشوفتش حد غير ماما ، شوفتها و هي بتروح و تسيبني لوحدي .. ماما شوفتي اللعبة الحلوة دي ؟
يا ماما .. انا جعانة أوي و نفسي آكل ؟

ماما هو انتي هتزعقلي علشان معملتش الواجب ؟ .. ماما ! ... ماماا !؟
انا عارفة إنك في مكان أحسن من دا بكتير ، بس انتي وحشتيني أوي .. وحشتيني أوي يا ماما ، انا عارفة إنك جاية ، أيوة ، انا مستنياكي ، حتي شوفي .. ماما زمانها جاية ، جاالية .. بعد شوية ... ماماا

(ثم تجهش مريضة التأخر العقلي بالبكاء الشديد)

مريضة بارانويا العظمة : هي .. شوفت الناس من حواليا و هما بيحكموا علي بعض .. شوفت كل واحد بيتدخل في حياة الثاني .. شوفت كل واحد بيقسم الناس علي حسب مزاجه .. شوفت ناس فووووق .. و ناس مدهوسة بمليون جزمة ، علشان كذا انا قررت أبقا فوق .. فووووق ، فووووووق أوووي

مريضة التخلف العقلي : افتكرت لما كنت في المدرسة ..
و كان المدرسين دايماً بيضربوني ، مكنتش بعرف أحفظ حاجة .. ولا كنت بعرف أفهم أي حاجة ،

مكنتش شاطرة ، و كنت نفسي الأقي حد يفهمني .. مش يضربني !

مريضة التوهم المرضي : إفتكرت لما كنت مشغولة بمليون حاجة و محدش حاسس بيا .. لما كان كله بيزود عليا فوق طاقتي .. و كنت بشيل و مبقدرش أتكلم ..
- ممكن أستريح شوية ، انا تعبانة أوي
- لا

- طب ممكن أخذ نفسي حتي بس ؟ بجد مش قادرة
- قولنا لا .. كفاية دلح بقا و شوفي شغلك
- انا تعبانة طيب ساعدوني شوية ، راعوني !
- بس بلاش دلح ماسخ بلا تعبانة ، شوفي شغلك يلا و إعلمي كل اللي قولتلك عليه
- أرجوكم سيبوني أرتاح ، سيبوني .. سيبوني

مريضة الهلاوس : إفتكرت الكذب و الأوهام و الكلام اللي بيتباع ببلاش ، افتكرت الوهم اللي الناس عايشة فيه ، إفتكرت المصلحة اللي بتجمع الناس و الحب اللي بقا بيفرقهم
ايه ؟ انت بتقول ايه ! هتسيبني ! بعد الحب دا كله و السنين دي كلها ! يعني انت مبتحبنيش و كنت بتلعب بيا !

وانا اللي استتمنتك علي حياتي و كل ما أملك !
سيبني .. سيبني لو دا هيرحك ، سيبني زي ما كلهم سابوني ، كلكم وهم و سراب .. كلكم

مريض الفوبيا : افتكرت الفقر و الذل و المهانة ، إفتكرت لما كنت بتذلل لطوب الأرض علشان لقمة عيش ، كنت باكل من الزبالة و عايش في مكان مينفعش بني آدم يعيش فيه .. انا بني آدم من حقي أعيش مطمئن ، لكن انا مش عايش أصلاً !

(و كان هذا نتاج جلسة الإسترخاء ، لقد قام جميع المرضى بإخراج ما في جوفهم و حناجرهم و ما كانوا يخفون عن الجميع ، وصل بهم الأمر الي أنهم كانوا يتحدثون مع أنفسهم و يتقمصون أدوار أخري حتي يستطيعون التعبير عن معاناتهم مع أن كل ما قالوه من مشاكل لم تكن إلا نموذج مصغر جداً من حياتهم البائسة المليئة بالأشخاص اللذين لا يعرفون أبسط معاني الإنسانية و الرحمة)

مريضة بارانويا العظيمة : وانت بقا الملاك اللي نازل من السما ؟

مريض الإكتئاب : ولا انت فاكِر نفسك نبي ؟

مريضة التوهم المرضي : انت شكلك كدا فاضي و معدكش مشاكل

مريضة التأخر العقلي : صح .. انت أكيد معدكش أي حاجة .. لدرجة إنك فاضي تحل مشاكل الناس الثانية

السكرتيرة : لا ..

الأخصائي : و ليه لأ .. !

السكرتيرة : بس انت كدا بتعاملني زي ما بتعاملهم !

الأخصائي : مفيش فرق .. انتي شبيههم ، وهما شبهك ، وانا شبيهكم كلكم

(يرد عليه المَرَضَى جميعاً في آن واحد) : انت مش زينا ..

(يبدأ الأخصائي مرة أخرى في التحدث مع المرضي بعد أن دخلت سعاد السكرتيرة و إنشغل عنهم قليلاً و أيضاً بعد أن تركهم يُخرجون ما بداخلهم من أفكار مريبة و هموم كادت أن تحطمهم فيحاول إقناعهم في لفظة إيجابية منه بأنه ليس مَنزَه عن الخطأ أو عن المرض بل علي العكس هو مثلهم و من ثم يبدأ بتوجيه حديثه الي كل مريض علي حدي و لكن هذه المرة يزيد علي المَرَضَى واحدة " سعاد السكرتيرة ")

الأخصائي : مين قالكم ؟ انا زيي زيكم بالظبط ، انا شبيهكم في كل حاجة ، انا في الأول و في الآخر بني آدم زيكم ..

- مبسوط و سعيد جداً في حياتي ، بس ساعات بتخفق و بكتنب و مش ببقا طابق أي حاجة (موجهاً كلامه الي مريض الإكتئاب)

- قلبي ميت ، لكن بخاف ساعات من حاجات مش بتخوف أصلاً (موجهاً كلامه الي مريض الفوبيا)

- و ساعات بضحك ضحك هستيري علي أي كلمة ، حتي لو تافهة (موجهاً كلامه الي مريض الهوس)

- عندي إتزان نفسي ، بس غصب عني بتوتر في المواقف الصعبة (موجهاً كلامه الي مريض القلق المرضي)

- صحتي زي الحديد ، بس أحياناً بحس إنني كل حنة في جسمي بتوجعني (موجهاً كلامه الي مريضة التوهم المرضي)

- كبير مش صغير ، لكن كتير بحن لأيام الطفولة و الشقاوة (موجهاً كلامه الي مريضة التأخر العقلي)

- بحاول علي أد ما أقدر مغلطش ، و برضه كتير بأنب نفسي علي حاجات معملتهاش (موجهاً كلامه الي مريضة الوسواس القهري)

- بحاول أكون متواضع ، بس بحكم مركزي و شغلي ساعات الغرور بيتركبني (موجهاً كلامه الي مريضة بارانويا العظمة)

- الناس بتقول عليا ذكي ، بس كتير بيعدي عليا حاجات مبفهمهاش و مبعرفش أترجمها (موجهاً كلامه الي مريضة التخلف العقلي)

- واقعي جداً ، بس بتيجي عليا أوقات خيالي بيسرح بيا و أتخيل حاجات مش موجودة (موجهاً كلامه الي مريض الهلاوس)

- عايش حياتي براحتي جداً ، عندي ضمير في شغلي و براعي ربنا قبل أي حاجة ، بغلط
غصب عنني زي أي حد ، بتوه في بحر الغلط و بتعلق في قشاية أتوب بيها و ساعات مش
بلاقيها كمان ، ربنا أنعم عليا بحاجات كتير و إبتلاني برضه بحاجات كتير ، انتي خايفة
بنتك تروح منك ، وانا كمان .. خايف أموت قبل ما أسمع كلمة بابا ...
(موجهاً كلامه الي سعاد السكرتيرة)

عرفتوا بقا إن انا زيي زيكم في كل حاجة ، الفرق بيني و بينكم حاجة واحدة بس .. المقاومة ، انا
قاومت و صديت كل حاجة و قفت في وشي ، بس لوحدي ، إتعودت من صغري إنني أسمع مشاكل
الناس كلها و أخفف من عليهم أي حمل تاعبهم في حياتهم ، بس عمري ما حد سمعني ولا حد
حاول حتي يسمعني ولا يعرف ايه مشاكلي ولا ايه مضايقتي ، محدش وقف جنبي وقت محنتي و
مع ذلك كنت بقف جنب الناس كلها في مشاكلهم قبل فرحهم ، حياتي و حياتكم زي بعض ، بس انتو
مقاومتوش ، انا قاومت ، حياتي و حياتكم كانت مليانة بكل حاجة توقع أي بني آدم ، حياتنا كان
فيها كل حاجة ممكن تموتنا في أي لحظة ، حياة مليانة بالمشاكل و الناس اللي مبوظين علينا كل
حاجة ، حتي الناس اللي بتساعد في الظلم .. هما نفسهم بيتظلموا ، بس بدل ما يردوا علي اللي
بيظلموهم .. بيردوا علي اللي أضعف منهم ، كلنا ظالم و كلنا مظلوم ، علشان كذا .. حياتنا بقت
بالمنظر دا .

المشهد الخامس (نهاية بداية ، بداية نهاية)

" فلاش باك ثاني "

يستعيد المرضي ذكرياتهم المؤلمة في أماكن و أوقات مختلفة و يشعرون بالألم و كأنهم يمرون
بتلك المشكلات في اللحظة أنها ، هموم كثيرة أودت بهم الي ذلك الكهف المظلم المسمى بمستشفى
للأسف ، فما هي تلك المشاكل التي من شأنها أن تضع حداً لحياة فرد و تنهياها بهذا الشكل !

- المكان الأول (بيت السكرتيرة) :

السكرتيرة : ياختي مش عارفة والله يقطع الجواز و سنيته ، كلهم زي بعض ، والله ياختي انا
زهقت و تعبت بجد ، المنيل علي عينه مبشوفهوش الا كل فين و فين .. انا أعرف ياختي بيصيح
فين كل دا !

زوج السكرتيرة : مساء الخير

السكرتيرة : جوزي جه .. إقفلني إقفلني ، هكلمك ثاني ، باي
ياا شيخ .. انت لسة فاكتر تيجي !؟

مريض الإكتئاب : انا بحبك و عاوز اتقدملك

مريضة بارانويا العظمة : انت مين انت علشان تقولي الكلام دا؟!
من عيلة مين انت ولا انت ايه انت اصلاً!

مريض الإكتئاب : انا بني آدم عادي لا ناقص ايد ولا رجل!

مريضة بارانويا العظمة : بس انت عارف ان واحدة زي عمرها ما هتاخذ أي حد كدا والسلام
انا مينفعش أتجوز أقل من واحد يمسكني من إيدي و نحتل انا و هو العالم كله ، بجمالنا .. و
بفلوسنا

مريض الإكتئاب : هجيبك الدنيا كلها ، بس أرجوكي مترفضينيش

- المكان الرابع (بيت مريض الفوبيا) :

مريضة الوسواس القهري : في ايه يا بابا مالك ؟ قاعد كدا ليه؟!!

مريض الفوبيا : خايف أحسن صرصار يعدي ولا حاجة ، لازم أكون جاهز للموقف دا

مريضة الوسواس القهري : يا بابا بس مش للدرجة دي يعني متخافش مفيش حاجة!

مريض الفوبيا : انتي تسكتي خالص ، دا انا من ساعة ما خلفتك وانا مشوفتش إلا الفقر

مريض الوسواس القهري : يا بابا وانا ذنبي ايه يعني ، في ايه لكل دا؟!!

مريض الفوبيا : اتنيلي اسكتي مسمعش حسك خالص .. جبتي لنا الفقر الله يخربيتك ، البيت إتملأ
صراصير من ساعة ما امك ولدتك

المكان الخامس (طريق عام) :

مريضة الهلوس : في اي يا بني مالك؟!!

مريض القلق المرضي : قلقان ، خايف لحد يشوفنا واحنا قاعدين مع بعض .. قلقان لنتقفش

مريضة الهلوس : انا برضه خايفة أحسن بابا يعدي و يشوفني .. مش دا بابا!!!

مريض القلق المرضي : فين دا؟!!

مريضة الهلوس : لا خلاص مش هو .. انا بيتهيألي بس ، الحمد لله

مريض القلق المرضي : ربنا يستر ..

مريضة الهلاوس : المهم ، انا جايلي عريس النهاردة

مريض القلق المرضي : تاني؟!!

مريضة الهلاوس : أيوة ، و مش عارفة حضرتك امتي بقا هتشد حيلك كدا و تيجي تتقدم ، بقالك
٣ سنين بتقولي هتتقدملي ، ولا بتتقدم ولا بتتأخر !

مريض القلق المرضي : اااا ان شاء الله .. انا انان ان شاء الله يا حبيبي ان شاء الله

مريضة الهلاوس : أيوة يعني إمتا؟؟ انا بضيع من بين إيديك وانت مبتعملش أي حاجة ، و
معندكش غير الكلمتين الحلوين اللي بتقعد تسكتني بيهم كل شوية و لما آجي اتكلم جد تطلعلي
بمليون مبرر

مريض القلق المرضي : بقولك ايه .. انا متوتر خلقة و مش ناقص

مريضة الهلاوس : بقولك ايه انت ، انت بتضحك علي نفسك و معيش نفسك في الأوهام !

- المكان السادس (دار أيتام) :

مريضة التأخر العقلي : نفسي أشوف ماما

مريض الهوس : أمك ماتت .. يلا اتنيلي خشي نامي ، يلا

مريضة التأخر العقلي : طب نفسي آكل طيب !

مريض الهوس : بقولك ايه انتي هتدوشيلي دماغي ! مفيش اكل خشي اتزفتي نامي

مريضة التأخر العقلي : انتو ليه بتعاملوني كدا !

انتو ليه وحشين كدا !

انت راجل مفتري

مريض الهوس : انتي كمان بتعلي صوتك عليا !

طب عقاباً ليكي بقا وشك للحيطه كدا و إيدك لفوق .. يلااا

زوج السكرتيرة : بقولك ايه والله العظيم لو ما سكتي لهتكون ليلتك زي الزفت

السكرتيرة : ماهو دا اللي انت فالح فيه ، تفضل تزعق و تشخط و بس ، غير كدا مبشوفش منك

أي حاجة

مريضة الوسواس القهري : يعني انا عملت ايه يعني يا بابا لكل دا ؟

مريض الفوبيا : بقا مش عارفة انتي عملتي ايه ؟!

مريضة بارانويا العظمة : انا مش عارفة انت ليه مصمم ، يا بابا مش انت اللي انا اقبلك !

مريض الإكتئاب : انا اللي مش عارف انتي بتعملي معايا كدا ليه ؟!

مريض الهوس : بقا مش عارفة انا بعمل معاكي كدا ليه ! انا بقا هعرفك ،
أمك قبل ما تموت ضحكت عليا و سرقت كل اللي حيلتي ، لحد ما لاقيت نفسي بشتغل هنا علشان
بس أكل عيش ، و لاجل الحظ إنها تموت و الأقبكي في نفس مكان شغلي علشان آخذ حقي
بدراعي

مريضة التأخر العقلي : طب وانا ذنبي ايه ، انا مالي انا ، تعاملني المعاملة الوحشة دي ليه ؟!

مريضة الهلاوس : المعاملة الوحشة دي انت اللي اخترتها بنفسك ، و أجبرتني عليها

مريض القلق المرضي : طب وانا يعني اعمل ايه ! انتي ليه بتضغطي عليا كدا !

مريضة التوهم المرضي : انتو ضاغطين عليا بغبانكم دا ، يلا خدوا المسألة دي كمان حلوها ،
انتو خلاص هتشلوني

ملك : كفاية كدا يا ميس إحنا تعبنا بقا

مريض الإكتئاب : انا خلاص مش قادر استحمل تسلطك عليا

مريضة بارانويا العظمة : وانا زهقت من زنك و قرفك

مريض الهوس : انا قرفت منك و مش طايق أشوفك

مريضة التأخر العقلي : وانا مش قادرة أعيش هنا يوم واحد

مريضة التوهم المرضي : انتو خلاص هتموتوني

ملك و مريضة التخلف العقلي : احنا تعبنا بجد

مريضة الوسواس القهري : حرام بقا يا بابا اللي بتعمله فيا دا

مريض الفوبيا : وانتي نكدتي عليا حياتي ، انا متبري منك ليوم الدين

السكرتيرة : انا خلاص معنتش طايقة العيشة معاك

زوج السكرتيرة : ولا انا طايقك ولا طايق حياتي معاكي

مريضة الهلوس : انا خلاص مبقتش قادرة أصدق منك أي كلمة

مريض القلق المرضي : وانا خلاص طهقت منك

جماعة : يوووووووووووووووووه .. دي بقت عيشة تقرف .

الأخصائي : و هو دا حالنا كلنا ، أي واحد فينا جواه مشاكل و هموم كتيرة أوي و لو طلعتها بيرتاح بنسبة معينة ، ممكن تكون المشاكل دي كبيرة و ممكن تكون صغيرة علي حسب الموقف ، بس في الحاليتين لازم المشاكل دي تطلع و متدفنش في عقولكم ، و دا اللي عملته دلوقتي معاكم ، طلعت كل السواد و الماضي الأليم اللي جواكم واجهتكم بنفسكم ، واجهتكم بماضيكم و حكاياتكم اللي غطاها التراب و نسيتموها لحد ما إتحكمت فيكم ، و مقدرتوش تقاوموها ولا حتي تنفخوا التراب اللي عليها علشان تشوفوها و تتعلموا منها و اهو انتو شوفتموها دلوقتي ، كل واحد فيكم شاف نفسه علي حقيقتها اللي كان رافض يشوفها ،

شاف كل واحد حواليه كان بيعمل ايه
أصبحنا كلنا في حياة بعض مجرد عقبة و خنقة
كلنا بنأثر علي بعض .. كلنا بنخنق بعض
من الآخر .. كلنا مرضي نفسيين

مريض الإكتئاب : و لما انت حكايتك زي حكايتنا ؟ عايز تساعدنا ليه ؟
مش من باب أولي كنت تساعد نفسك ؟

الأخصائي : مين قالك اني مش يساعد نفسي ، لو مكنتش يساعد نفسي اني أقوم و أقف علي
رجلي كان زماني مريض .. أو ميت

السكرتيرة : أعمل ايه ؟

الأخصائي : لو ضميرك مستريح وانت موجوده في المكان دا و بتساعدني علي تدمير ناس إتضح
في الآخر ان انتي شبههم في الأساس و مشاكلك متفرقش حاجة عن مشاكلهم ، بيقا إستمري
بس إفتكري بنتك ربنا يارب يشفيهاك و يقومهاك بالسلامة و متشوفيش فيها وحش ، إفتكري
إنها في خطر ، إفتكري إنك لازم تبقي جنبها ، إفتكري إنك مينفعش تأكليها من الحرام

السكرتيرة : يعني انت عارف ان وجودي و شغلي هنا غلط ، و حرام

الأخصائي : انا مقولتتش كدا ، طب مانا بشتغل في نفس مكانك ، و مع نفس الناس ، و تحت نفس
الضغوط و في نفس الظروف .. بس انا عارف ان انا صح

السكرتيرة : وانا عارفة ان انااا

الأخصائي : هااا .. ؟

السكرتيرة : اناااا .. انا لازم أمشي

(ينظر إليها الأخصائي و هو في حيرة من أمره ، فهو لا يعرف هل هي فهمت قصده أم لا ، هل
عرفت أنها علي خطأ أم لا ، هل سترجع عن ذلك الطريق أم أن الخوف هو المتحكم فيها كلياً و
لكنها بعد صمت دام لمدة دقيقة و نصف تقريباً تقول له قبل أن تغادر المكان) :
أتمني لما أرجع لأفريك ، علشان أشتغل زيك ، مش زي ما انا كنت بشتغل زمان ، علشان مش
هقبل علي بنتي لقمة حرام تاني .

الأخصائي : تأتي متأخراً ، خير من أن لا تأتي أبداً

(ثم يبتسم إليها إبتسامة خفيفة و هو ينظر لها و يقول) : و أتمني متكونش متأخرة فعلاً ، أتمني
تكون في المعاد المناسب ، و بتمني أكثر إنها تكون بجد .. مش مجرد كلام

(تدخل الدكتوراة بشكل مفاجئ و صادم للجميع و كأنها تقطع أول خيط أمل نسجه الأخصائي بعد مجهود شاق و تضرب بكل ما قام به عرض الحائط)

دا قرار رسمي بفصلك عن العمل بشكل نهائي

علشان تبقا تتحداني تاني

النهاردة آخر يوم ليك في الشغل .. تخلص يومك و تلم حاجتك و تطلع برة و مشوفش وشك هنا تاني ، و ابقى سلملي بقا علي العلاج بتاعك و علي المزة اللي انت جاي معاها من غير سلام

(يقع هذا الخبر وَقع الصاعقة علي الأخصائي النفسي و الذي شعر لوهلة أن ما يتساقط منه من عرق ليس له الآن أي قيمة ولا ثمن ، و لكنه علي الأقل إذا لم يفعل ما يريد بشكل كامل ، فقد نفذ خطواته الأولى في مشواره)

جماعة : هتمشي ؟

الأخصائي : للأسف .. انا دلبيتم علي أول الطريق .. كملوا لوحدكم

مريض الإكتئاب : نكمل لوحدنا ازاي !؟

مريض القلق المرضي : مش هنعرف ؟

مريضة الهلاوس : مش هينفع

مريضة الوسواس القهري : مفيش حكاية من غير بطل !

مريض الفوبيا : مفيش ثورة من غير قائد !

مريضة بارانويا العظمة : شوف يا أخي مع اني مكنتش بطيقتك .. بس انت مينفعش تمشي

مريضة التخلف العقلي : علشان خاطري خليك

مريضة التأخر العقلي : متسبناش

مريض الهوس : انت الطريق و الأمل اللي نورلنا حياتنا في آخر لحظة

مريضة التوهم المرضي : انت الدوا اللي هتكون سبب في شفاننا من حاجات كتير

الأخصائي : غلط ، مينفعش تكونوا معتمدين عليا بالشكل دا كدا في الظروف اللي احنا فيها دي دلوقتي ، انتو حكاية نفسكم .. كل واحد فيكم قائد نفسه ، الأمل دواكم متفقدوهوش ، انا مش هقدر أكمل ، كل حاجة ضدي ، كل حاجة مش معايا ، انا إديتلكم مفتاح الحياة .. افتحوا بيه كل البيان ، لحد ما توصلوا للباب اللي يريحكم و تعرفوا تدخلوا منه .. و تعيشوا فيه

جماعة : مش هنعرف

الأخصائي : هتعرفوا .. صدقوني هتعرفوا ، إمسكوا في آخر خيط أمل و إوعوا تسيبوه يضيع من بين إيديكم
إوعوا ترجعوا لنقطة الصفر تاني ، إوعوا
هتقدروا .. متقفوش .. كملوا

(تدخل مساعدة الأخصائي حزينة بعد أن علمت بالخبر)

الأخصائي : شيلي معايا الحاجة دي ..

مساعدة الأخصائي : إحنا خلاص هنمشي
هنمشي و نسيب الناس دي كدا ؟
هنستسلم بسهولة !

الأخصائي : للأسف اه .. إحنا خسرنا
بس اهي ساقية و بتدور ، و مسيرها .. تدور علي الظالم
يلا بينا

مساعدة الأخصائي : يعني ايه ؟ يعني مش هنتشغل بقا ؟

الأخصائي : بس بقا .. بس ، هو دا وقتك !

جماعة : هنكمل ، و مش هننساك

الأخصائي : الأهم إنكم متنسوش نفسكم ، انتو أقوي من أي حد .. و تقدرنا لوحدكم تكملوا
الطريق اللي بدأتوه .. ربنا معاكم

(يتركهم و يغادر و هو في قمة الإنكسار و العجز ، لقد قام بفعل ما عجز عنه الكثير من قبله ، أخذ بيدهم الي أول طريق الحياة بعد أن غادروه منذ سنين متجهين الي الموت بأرجلهم ، فعل كل ما في وسعه في تلك الساعات القليلة التي قضاها داخل ذلك المكان ، أحبهم و أحبوه حقاً ، كما يُقال فعلاً " ما محبة إلا بعد عداوة " ، هم الآن مسؤولون عن أنفسهم و حياتهم مسؤولية كاملة بعد أن إستفاقوا علي يد ذلك الرجل ، فكانت لحظة مغادرته ذلك المكان الملعون ، هي نفسها لحظة إنتفاضتهم علي نفس المكان ، فهل هي نهايته ؟ أم نهايتهم ؟ أم هي نهاية الجميع .. !)

المشهد السادس (محاولة كسر العصا)

الداخلي بين كلمات الأخصائي التي تتوارد في أذهانهم و تمنحهم بعض الطاقة الإيجابية للمقاومة
(انتو أقوى من أي حد .. و تقدرؤا لوحدكم تكملؤا الطريق اللئ بدأؤوه)
و لكنها ممزؤجة بصرخأتهم و آلامهم و بين الواقع اللئ يفرض عليهم قبوله رعمأ عنهم في
نفس الوقت اللئ يتشكل خلاله عدة تساؤلات تدور في أذهانهم أهمها :
(إحنأ آيه اللئ وصلنأ لكدا ! ، معقول نكون كننأ مرضئ نفسئن ؟!)
حتى إنهم لا يقدرؤن على تحمل كل هذه الضغوطات فيسقطؤن جمئعهم أرضأ مغشئأ عليهم معلنئن
الإستسلام التام .

فهل يستيقظؤن لئكملؤا مسيرتهم في الدفاع عن أنفسهم و للخروج من الكؤخ المظلم هذا ؟ ، أم
سئستيقظؤا و يُعيد السيناريو نفسه لئتكرر مرة أخرى و يستسلمؤا للظم الواقع عليهم و تدور
الدائرة لتعود إلى النقطة (صفر) مثل ما هي عليه الآن ؟

هل هي النهاية ؟
أم هي البداية مجدداً .. !

الحالة زيرو ..

الأغاني الملحقة بالنص المسرحئ

(١) - أغنية (كل الأبواب) :

كل الأبواب مقفولة .. إلا باب الظلام
كل الحيطان مهدودة .. و النور بين الحطام
نصرخ يا مئن ينقذنأ .. نصرخ يا مئن ئسمعنأ
نور القمر جمعنأ .. توهنأ مع الأيام
شمس الحياة لمتنأ .. فرقتنأ الأوهام
و الضلمة مالية عئنأ .. و اللئل كما الأيام
بتفؤت ساعأ في سنئن .. عائشئن لكن نائمئن
سائبئن لئلتنأ تطول .. تسرق منأ الأحلام

في حئاتنأ كئئر بنشؤف .. بس اللئ مانعنأ الخؤف
من كئر الضلمة نخاف .. بنشؤف زئ المكفؤف

في العتمة خلاص عايشين .. غير الإسود مش شايفين
في الضلمة أكيد تايهين .. سيبنا طريقنا للظروف

ماسكين في شعاع من نور .. حتي الضوء جاي مكسور
وسط العتمة بيموت .. و الليل يرجع مبسوط

و الفجر وراه الفجر .. و الشمس بتطلع غدر
فجأة بتختفي و تفوت .. و عقولنا تنام في تابوت

و الفجر وراه الفجر .. و الفجر وراه الفجر

(٢) - أغنية (زحمة أفكار) :

زحمة أفكار .. الفكرة وراها الفكرة

بين جنة و نار .. تفكير في إمبراح و في بكرة

نوصل لقرار ...

نمشي في طريق زحمة و مسدود .. نرجع و نقرر تاني نعود
و الحل خلاص أهو مش موجود .. حاسين بالعار

و العقل أهو ماشي يودي يجيب .. نتخيل مشهد شكله غريب
تظهر في عقولنا مليون صورة .. بنشوفهم و العين مكسورة

نتعب و ننام و نقوم علي حالنا .. نصحي نشوف كوابيس أحلامنا
نتحقق و تزيد في تعبنا .. و بنسمع أصوات أوجاعنا
و المشهد شغال أدامنا .. بنبدل فيه الأدوار .. زحمة أفكار

المشهد يوصل لنهايته .. كله بينهي كلام في حكايته
و اليأس بيرجع لبدايته .. عايشين في مرار

الإيد في الإيد و بنتجمع .. أصواتنا بتعلا و بتسمع
ولا حد سامعنا ولا شايف .. ولا حد بحالنا أكيد عارف
و اللي عارفنا سايبنا نعاني .. بيشوفنا و يجري أكيد خايف

و بنهرب وسط الزحمة معاه .. الخوف ويانا بنجري وراه
سابقين كوابيسنا و أحلامنا .. و بنوصل و الخوف أدامنا

و بنهرب و نسيب أيماننا .. لمكان مجهول أشبه بدمار

و العقل يكمل في التفكير .. و اليأس بياخذ جزء كبير
و نعيش في تناقض مش فاهمين .. نستسلم و أدينا عايشين
في زحمة أفكار ...
